



01.oktober 2020

UKA2020/17-183

**Imm. 17: Sulisoqarnermut akitsuut pillugu Inatsisartut inatsisaataallanngortinneqarnera pillugu Inatsisartut inatsisaat nr. xx af xx. xxx 2020-meersoq. (Erninermi aningaasaateqarfimmik aningaasalersuinissaq il.il.)** (Aningaasaqarnermut Naalakkersuisoq)

**Imm.183: Naartunermi, erninermi meeravissartaarnermilusulinngiffeqartarneq pillugu Inatsisartut inatsisaat nr. xx, xx. xxx 2020-imeersoq.**  
(Isumaginninnermut, Ilaqutariinnut Inatsisinillu Atuutsitsinnermut Naalakkersuisoq)

Aningaasaqarnermut naalakkersuisup aammalu isumaginninnermut, ilaqutariinnermut inatsisinillu atuutsitsinnermut naalakkersuisup saqqummiussai naartunermi, erninermi meeravissartaarnermilu sulingiffeqartarneq ullormusiaqartarnerlu pillugit inatsisartut inatsisaannut nutaamut toqqaannartumik malitsigisaa.

Namminersorluni suliffiuteqarfilinnut erninermi aningaasaateqarfimmik atuutitsisoqalissasoq inatsikkut nutaakkut siunnerfigineqarpoq.

Siunnersuutigineqarpoq aningaasaateqarfik naammattunik aningaasaateqarfeqarnissaa qulakkeerniarlugu suliffeqarfiuteqartut namminersortut aningaasarsiarititamik katillugit aningaasartaannit akitsuummik akiliisussanngortinneqassasut.

Akitsuutip annertussusaa aningaasaateqarfiup aningaasartuutai aammalu isumannaatumik ingerlanneqarnissaa eqqarsaatigalugit ukiut tamaasa inatsimmi aalajangersarneqartassasoq.

Sapinngisamik inuiaqatigiinni ilaqutariit pingaartumik angajoqqaanngortut atugaatigut inuiaqatigiittut sulisitsisut, pisortaninngaanneerpata namminersorlutik suliffeqarfiutilinneerpataluunniit aningaasatigut ajunngitsumik atugassaqartitsineq nalorninaatsoq atugassaassutaasariaqartoq isumaqarpugut.

Maannakkut namminersorlutik suliffiuteqartoq sulisuminnik meerartaarneq peqqutigalugu sulingiffeqartarnerata nalaani sulisitsisup sulisuni akissarsiaqartissanguniuk sulisitsisup nammineq akilertariaqartarpaa taamatuttaarlu paarlattaasussamut aningaasassaqartariaqartarluni. Tamanna aningaasatigut atugassarititaasut artornartuupput. Maanna erninnermut atatillugu sulingiffeqartarnermut aningaasaateqarfimmik pilersitsinissaq oqimaaqatigiissumik aqqiisussaavoq, tassa sulingiffeqarnerup nalaani akissarsiarnut aningaasartuutit sulisitsisut akornanni naligiinnerusumik agguataarsimanissaanik qulakkeerinntoq.

# Nunatta Qitornai

## Inatsisartuni



Siunnersuuteqarnikkut tusarniaanermi Sulisitsisut kisimik akissuteqarsimapput, taakkualu siunnersuut taperserpaat. Ilanngullugu oqaatigineqarpoq aningaasaliissutaasartussat akitsuut ukiualunguit qaangiuppata appartikkiartuaartariaqarnissaanik oqariartuuteqartoq atungaqassagatinneqarmat sinneqartooruteqalernissaq. Tamanna oqariartuutaavoq pingaaruteqartoq.

Naalakkersuisut ajunngitsumik pitsaasumillu anguniagaqarlutik siunnersuutaannut qujalluta siunnersuut aningaasaqarnermut akitsuutillugit pillugit ataatsimiititaliamut ingerlateqqippaput, taamaattoq aamma ilaqtariinnermut peqqissutsimullu ataatsimiititaliaq qanimut suleqatigineqassasoq inassutigalugu.